



Inatsisartuni Ilaasortaq  
Naaja H. Nathanielsen, Inuit Ataqtigiit  
/MAANI

**Aarhusimi isumaqatigiisummut tunngatillugu § 37 naapertorlugu  
Inatsisartuni ilaasortap Naaja H. Nathanielsenip apeqquteqaataasa  
akissutai**

10-07-2014  
Sags nr. 2014-101462  
Dok. nr. 1632502

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: apn@nanoq.gl  
www.naalakkersuisut.gl

Asasara Naaja H. Nathanielsen

Juunip 30-ani 2014 Naalakkersuisunut Aarhusimi isumaqatigiisummut tunngasunik apeqquteqarsimavutit. Apeqquternut matumuuna akineqartunut qujavunga.

**Apeqqut:**

- 1) Århusip Universitetiata qppersagaa naapertorlugu Århusimi isumaqatigiisummut atatillugu misissuineq 18. maj naammassivoq.<sup>1</sup> Taamaasilluni nalunaarutip imarisaani immikkoortoq 151, 20. maj-imi siullermeertumik oqaluuserineqarmat, Naalakkersuisunit ilisimaneqareersimassaaq. Suna pillugu taava immikkoortup oqaluuserineqarnerani tamanna eqqaaneqanngila? Kalaallisuunngortinnerata qaqugu piareernissaa naatsorsuutigineqarpa?**

Avatangiisinut Pinngortitamullu Naalakkersuisoqarfik maajip 18-ani nalunaajaammut uunga "Aarhusimi isumaqatigiisummut piumasaqaatit eqqarsaatigalugit Kalaallit Nunaata inatsisiliornera nalilersornera" allaqqitassiaq Aarhusip Universitetianiik tiguaat.

Allaqqitassiaq tigusaq Aarhusip Universitetia suleqatigalugu Avatangiisinut Pinngortitamullu Naalakkersuisoqarfimmiit Naalakkersuisoqarfiillu allanit oqaaseqarfigineqarpoq, allaqqitassiami inatsisit amerlasuut Naalakkersuisoqarfimmut assigiinngutsunut attuumasunik imaqarami. Suliamut oqaaseqarneq allaqqitassiamut siullermut allannguutinik kinguneqarsimavoq,

nalunaarusiarlu inaarutaasoq juunip 21-ani 2014-mi piareerpoq. Nalunaarut inaarutaasoq aatsaat juunip 21-ani 2014-mi piaareenera peqqutigalugu, immikkoortoq FM2014/151 siullermeerluni suliarineqarnerata nalaani nalunaarut ilisimaneqarsimangilaq.

Maanna Avatangiisinut Pinngortitamullu Naalackersuisoqarfiup nalunaajaat kalaallisut nutsertippaa. Aatsaat nutsigaq piareerpat, nalunaajaat naammasisimasutut isigineqassaaq ingerlateqqinneqarsinnaanngorlunilu. Maannakuugallartillugu ullulernerqarsinnaanngilaq nutsigaq qaqugu piariissanersoq.

- 2) Immikkoortoq 151-imut akissummi innuttaasut soqutigisaqaqatigiittullu kattuffiit Aatsitassanut inatsimmi ingerlatseriaatsitigut aalajangikkanut maalaarsinnaa-titaanerat erseqqissarneqarpoq. Akissutilli saqqummiunneqarneraniit sapaatit akunneri arlalinnguit qaangiutiinnartullu maalaaruteqarsinnaatitaanerup peerne-qarnissaanut inatsimmi allannguutissamut tusarniaassut Naalackersuisut nas-siuppaat<sup>2</sup>. Naalackersuisut pisami isummaminnik allanngortitsigamik imaluunniit Avatangiisinut Pinngortitamullu Naalackersuisoq Inuussutissarsionermut Aatsi-tassaqarnermullu Naalackersuisup maalaaruteqarsinnaatitaanermik atorunnaar-sitsinialeersaerneranik ilisimasaqarsimangila?**

Inatsissamut allannguinnissamut siunnersuutigineqartumi ilaatigut Naalackersuisut anguniagaat, aatsitassaqarnerup iluani avatangiisinut tunngasut aatsitassanut oqartussaasuniit suliarineqaratik immikkut suliarineqartarnissaat angussallugu siunertaavoq. Innuttaasunut maalaarsinnaatitaanermut tunngatillugu inatsisitigut inissisimaneq allanngortinnissaa siunertaanngilaq.

Uuliasionermut Aatsitassarsionermullu Periusissiassami ersippoq, aatsitassarsionermi avatangiisinik illersuineq aatsitassanut oqartussaasussanut attaveqanngitsumik suliarineqarnissaata saniatigut, Naalackersuisut aatsitassarsionermi avatangiisinut illersuinerumut suliassat Avatangiisinut Pinngortitamullu Naalackersuisoqarfimmi immikkortortaqaqarfinni pioreersuni nukittunermik ilanngunneqarnissaat kissaatigigaat. Taamaalilluni aatsitassarsionermut inatsisissammut allannguinnissamut siunnersuut politikikkut aatsitassanut oqartussaasunullu sinaakkuutitarisaanullu, Naalackersuisut Uuliasionermut Aatsitassarsionermullu Periusissiassami anguniagaat naapertorlugit allannguuteqassapput.

Massakkut aatsitassarsiornermut inatsimmi atuuttumi, Aatsitassanik Suliassa qarfinnut Avatangiisinut Aqutsiso qarfiup Aatsitassanut Aqutsiso qarfik peqatigalugu Kalaallit Nunaanni aatsitassanut oqartussaasuupput, aatsitassanut inatsini § 3a-mi allassimasutut. Inatsisissamik siunnersuutip aatsitassanut oqartussaasuni immikkortortat marluk allanngortinnissaanut aallarniivoq, aatsitassanut avatangiisinut politikikkut tunngasunut Avatangiisinut Naalakkersuisoq akisussaasussanngorlugu, aatsitassarsiornermullu politikkimut tunngasut sinneri Aatsitassarsiornermut Naalakkersuisoq aakisussaasussanngortillugu.

Naalakkersuisunut maalaarsinnaatitaanermut tunngatillugu, aatsitassarsiornermut inatsimmi 2012-mi allannguuteqartumi, aqutsiso qarfiit aatsitassarsiornermut oqartussaasut ataaniittut marluk pilersinnerani, tamanna qulaani nassuiarneqartumi aqutsiso qarnikkut allanguineq malillugu attatiinnarneqarsinnaanngilaq. Maalaarsinnaatitaaneq maannakkut atuuttumi inatsisilerinerimut tunngaviuvoq, aatsitassarsiornermut pisortat (Aatsitassanik Suliassa qarfinnut Avatangiisinut Aqutsiso qarfik Aatsitassanut Aqutsiso qarfilluunniit) aqutsinerimut tunngasunik aalajangigaat, Naalakkersuisuniit aalajangigaanngimmata. Inuiaqatigiinnut annertuumik attuumassuteqarnera pequtigalugu, toqqaannaq Naalakkersuisunut maalaarsinnaasoqalernikuuvoq.

Inatsisissamut siunnersuut atussappat, siunissami aalajangiinerit pineqartumut akisussaasoq Naalakkersuiso qarfikkut Naalakkersuisumik ingerlanneqartalissapput. Naalakkersuisut aalajangiisimasutut aqutsiso qarnerimut tunngatillugu paasineqassallutik. Aqutsiso qarnikkut Naalakkersuisuniit qaffasinnerusumik maalaarutissaqafiliortoqarsinnaanngilaq. Aammattaq aqutsiso qarnikkut qaffasinnermik inissisimasunut Naalakkersuisut aalajangigaannik maalaruteqartoqarsinnaanngilaq.

Tamannali ombudsmandimut maalaruteqarsinnaanermut allannguteqarnaviannngilaq, suliassamik isumaginninnikkut kukkusoqarsimasoq isumaqaraanni. Tamannalu kingorna Naalakkersuisut suliaq aallarteqqinneqassanersoq aalajangiisinnaapput.

Taamaattumik Naalakkersuisut isumartik allanngortinngilaat. Inatsisissamut allannguuteqarnissamut siunnersuut tusarniaavigineqartoq, Naalakkersuisut Uuliasiornermut Aatsitassarsiornermullu Periusissiasami allassimasumi politikikkut anguniakkat anguniarnissaat siunertaralugu pilersitaavoq.

Inatsisissamut siunnersuut maalaarsinnaatitaanermut allannguinnissaq, tassaavoq pissusissamisoorumik Uuliasiornermut Aatsitassarsiornermullu Periusissiasaq kingunerisaa, aatsitassarsiornermullu suliassanut tunngatillugu aaqquissuussinerulluni, naliginnaasumik politikikkut aqutsinikkullu Namminersorlutik Oqartussani sananeqaat eqqarsaatigalugu.

**3) Inuussutissarsiornermut Aatsitassaqaqarnermullu Naalakkersuisup  
aatsitassanut inatsimmi maalaarsinnaatitaanerup  
peernialersaarneranik qanga qanorlu Naa-lakkersuisut sinnerinut  
ilisimatitsiva?**

Apeqqummut akissutissatut, apeqqut 2-mi akissutaasunut innersuussissaanga.

Inussiarnersumik inuulluaqqusillunga  
Med venlig hilsen

Kim Kielsen